



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

An Deo vel Sanctis dies feriamur. tit. 219

**urn:nbn:de:hbz:466:1-29452**

Et sic prosequamur hos quasi adoremus illos. &c  
 Sed patitur Ecclesia & hanc hodiè contumeliam, se  
 sustentans verbo Apostoli, 1. Cor. 13, Charitas non ex  
 cidit. Nam sic ante annos plùs mille Hierony. certa-  
 uit cum Iouiniano & Vigilantio, quærens: An iam  
 in patria sancti essent priuati donis & virtutibus spiri-  
 tualis sancti, Gal. 5, quibus in hac vita pleni fuerunt, &c.  
 Ideò tota Ecclesia Catholica cum omnibus doctori-  
 ribus sic sentit, nihil cupiens nisi adiutorium oratio-  
 nis mutuæ, &c. sicut hîc facimus mutuò.

AN DEO VEL SANCTIS  
*dies feriamur.*

TITVLVS CCXIX.

**P**RI Mò, feriari seu vacare est opus, quod  
 solus Deus præcepit, & ipse omnium pri-  
 mus seruauit. Nam in creatione & labo-  
 re omnium creaturarum, & cæli & ter-  
 ræ, requieuit die septimo, Gen. 2. & be-  
 nedixit diem illū, & sanctificauit. Sic inter præcepta  
 sua tertium est primæ tabulæ, Sabbatha sanctifices, &  
 nedum sabbatha, sed etiam præcepit. Exo. 23. dicens:  
 Tribus vicibus per singulos annos mihi festa celebra-  
 bitis: Azymorum, propter liberationem ex Aegypto:  
 Pærecostes, propter acceptam legem: & frugum, quia  
 dedit Deus fructus terræ, &cæt. Sic & alia habebant  
 festa plura in quibus Deo feriabantur, seu vacabant,  
 qui præcepit ferias.

Secundò, feriæ fiebant propter præceptum Dei, &  
 huc dirigebatur intentio. Attamen hisce diebus habe-  
 bant memoriam operum Dei, quæ recordabantur ip-  
 sis diebus, & Deo laudes & gratias agebant, sicut He-  
 ster & Iudith, de liberatione ex Aegypto &cæt. At fe-  
 riæ non propter Hester, Iudith, &cæt. sed propter  
 Deum fiebant, cum memoria operum Dei quæ fecit.  
 Sic nos in nouo testamento Dominicum diem, non  
 propter

propter seipsum feriamur, quia est dies sicut alia: sed propter Deū, qui hoc præcepit, & ipso die eius opera, & quæ nobis contigerunt per Christum beneficia, prædicādo Euangelia, ad memoriā reducimus, & gratias agimus Deo. Sic dies non feriamur propter sanctos, sed propter Deū: attamen memoriā sancti habemus, tum ob ea, quæ Deus per ipsum fecit, & quatenus profide certauit, & bonus dispensator talentorū Domini fuit, Matthæ. 25. Aliud est enim feria, quæ solum fit propter Deum, & hanc nos celebramus. Aliud est memoriā sancti, ubi recordamur, quæ Deus per ipsum, & quæ ipse propter Deum fecit, & sic Deo canimus laudes, & petimus eandem nobis conferri gratiā propter Christū, & in eū finē rogamus sanctorū intercessionē.

Tertiō, Causa igitur totius solennitatis, id est, cæpanarū, organorū &c. Deus est, quāddō solum memoriā alicuius sancti isto die agimus, non dirigitur intentio ad solam personam sancti, ut hæretici calumniantur, & in eū finē contemnunt ferias, & nō vidēt, quōd propter sanctū vel homines contemnunt obedientiā Dei, qui præcepit ferias, qui dicit: Sabbathum sanctifices, Exo. 20. At dicis: Nihil præcipit Deus & Christus, nisi sabbathum? Respondeo, Ecclesia autem cui debes obediētiam, Mat. 18. ordinauit, ut illum diē huius vel illius sancti sanctifices, & præceptum Dei impleas hac solennitate: Subindē memoriā habetas istius sancti, & matris Christi, sanctorū Apostolorū.

Quartō, sic canit Ecclesia: Tua opera Christe, tua miracula prædicamus: à te est totum, quicquid virtutis habet sanctus: Tua est virtus & fortitudo, tu benedicendus, &c. Eccl. 14 Sapientiam sanctorum narrat populus. Et Luca 1. Beatam me dicent &c. Ideō propter Deum celebramus festa. Secundō, ad imitationē, Hebr. 13, Mementote præpositorum, &c. Tertio, ut iuuemur intercessionibus eorum. 4. Reg. 19. Proregam ciuitatem hanc &c.